

Uas Peb Cov Qhua Siv Heev Tshaj



- **Muab koj lub tswj cua kub cua txias tso** kom ua rau koj lub tsev laj tuaj ua tej 5 teev tsaus ntuj.
Muab koj lub tswj cua kub cua txias tso kom txhob mus qis tshaj 78°F thaum tso kom laj tuaj.



- **Siv cov kiv cua uas sawv ntsug lossis cov nyob saum qab nthab** los pab ua rau lub tsev laj tuaj es ua li ntawd thiaj tso tau koj lub tswj cua kub cua txias rau ib tug lej uas ib nyuag siab zog thaum 5 teev tsaus ntuj txog 8 teev tsaus ntuj. Thaum lub caij ntuj sov, txhua zaum uas koj muab koj lub tswj cua kub cua txias nce ib tug lej siab zog ces yuav txuag tau li 3 mus rau 5% ntawm koj tus nqi uas koj them.



- **Rub koj cov ntaub npog qhov rais** los kom thaiv kiag qhov rais thaum lub caij ntuj sov. Thaum cov tes tshav ntuj mus tshab qhov rais es nkag rau hauv lub tsev mas ua rau lub tsev kub tuaj ces koj lub tshuab cua txias haj yam siv zog ua haujlwm.

Cov qhov rais uas tiv sab qab teb lossis sab hnub poob yog cov uas ua rau qhov kub nkag tau rau hauv lub tsev heev tshaj thaum lub caij ntuj sov, yog li yuav tsum ua zoo sim thaiv cov uas nyob ob sab ntawd heev tshaj plaws.



- **Ntxhua khaub ncaws thaum lub tshuab puv puv xwb** thaum twg ua tau li ntawd thiab muab tus tswj qhov kub txias hloov ntawm qhov kub mus rau qhov sov so xwv thiaj txo tau tej fai fab uas siv li ib nrab thaum ntxhua ib zaug. Yog siv cov dej txias los ntxhua ces haj yam txuag tau fai fab.

Kwvyees li 90% ntawm cov fai fab uas siv ntxhua khaub ncaws mas yog siv los rhaub dej kom kub tuaj.



- **Ua tej khoom noj uas noj txias lossis siv koj lub ci nqaij nraum zoov** lossis siv cov tshuab me me los ua khoom noj.

Cov tshuab me me xws li cov microwaves, toaster oven thiab cov pressure cooker, thiaj li ob feem peb ntawm tej fai fab uas cov qhov cub loj siv.



- **Siv lub tshuab ntxuav tais diav thaum puv puv xwb** thiab tsis txhob siv qhov (tso cua kub kom qhuav tuaj) cia cov tais diav qhuav tuaj lawv lossis xuas phum so kom qhuav. Yog cia lawv qhuav tuaj lawv ces txuag tau fai fab li 15 mus rau 50%.

Cov tshuab ntxuav tais diav uas ENERGY STAR® tau nias homthawj rau siv dej tsawg dua qhov uas xuas tes ntxuav thiab txuag tau sijhawm ntau teev txhua xyoo rau koj.



- **Muab lub computer tso rau qhov uas txuag tau fai fab** thiab muab lub computer tua thaum hmo ntuj. Siv ib lub laptop los theej lub desktop computer.

Lub computer uas tsawg zog siv ib nrab ntawm tej fai fab uas lub computer uas tseem tab tom qheb thiaj siv. Laptops siv fai fab tsawg zog ua haujlwm thiab haj yam siv sijhawm ntau nyob rau qhov uas siv fai fab tsawg dua li cov desktop, uas txhais tau tias lawv hajyam txuag tau fai fab li 90%.



- **Muab cov tshuab uas tsis tshua siv rho fai fab.** Yam twg uas sov lossis kub thaum muab ntsaws fai fab yog yam uas tseem siv fai fab tab txawm tsis muab siv ua dabtsi li. Cov khoom uas muab ntsaws fai fab thiaj siv li 15 mus rau 30% ntawm tag nrho tej fai fab uas tej tsev siv.



- **Tua teeb** thaum koj tawm hauv ib lub chav mus.

Yog koj muab cov teeb LED lossis CFL los theej cov teeb incandescent ces haj yam txuag tau ntxiv.



- Koj lub tub yeas yeej siv fai fab txhua hnub; muaj tej ncuas sijhawm nws siv fai fab thiab tej ncuas sijhawm uas nws tsis siv. **Ntsuas qhov kub txias hauv koj lub tub yeas thiab koj lub txias nkoog** xwv thiaj kuaj tau seb puas txias dhau, ua li thiaj yuav txuag tau nyiaj niaj xyoo.

Raws li lub Department of Energy qhia, koj lub tub yeas yuav tsum nyob hauv nruab nrab 36°F thiab 40°F. Koj lub txias nkoog yuav tsum nyob hauv nruab nrab 0°F thiab 5°F.

Tso npe nkag rau smud.org/MyAccount thiab xaiv **Txuag Tau Rau Tej TxojKe Twg (Ways to Save)** thiaj kawm tau ntxiv txog tias yuav ua lidas thiaj txuag tau fai fab ntxiv.

